



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ad Hieronymum Borgium poetam elegantissimum.

urn:nbn:de:hbz:466:1-13534

ERIDANORVM

Pasyale assurgit dominæ, coniuncta marito
 Excipit in medijs Eridanea choris.
 Læta canunt Cycni, fundit Venus aurea rorem,
 Ambrosiæ Cyprius stillat ab axe liquor.
 Immixtus Nymphis, interq; heroidas errat
 Blandus amor, blandis ludit & ipse modis.
 Mox ridens, quod cantet habet uates meus, inquit.
 Telaq; de pharetra seligit ipse truci.
 Altera, quis menti uulnus meditetur amarum,
 Altera quis sensus in sua uota trahat.
 Excussitq; ualens hæserè hastilia. cæcum
 Mens hausit telum sensus & ipse labat.
 Arsisti Phaëthon flammis ambustus anhelis,
 Me tacitæ flammæ, cæcus & ignis edit.
 Vrinur heu miseri, calidoq; in pectore feruet
 Ignis edax. in me seuit acerba lues.
 Quid queror ah demens. cæco nutrimur ab æstu.
 Nutrimur flammis, tectus & ignis alit.
 Vita mihi fax est, uenti spirare frequentes,
 Vescimur en facibus, uiuimus & zephyris.

AD HYERONYMV M BORGIV M

Poetam elegantissimum.
 Irisum Borgi domus est tua, quam rigat amnis
 Siris in Herculeis aduena littoribus.
 Hic consedit auus, terra deuectus Ibera,
 Quem procul a patria Martis abegit amor.
 Te nec bella iuuant, nec te iuuat æreus ensis,
 Parta nec hostili præda cruore placet.
 Otia Musarum

Otia Musarum sequeris, dulcisq; recessus,
 Proq; tuba colitur tibia blanda tibi,
 Quin & amas, carmenq; tibi iuuenile probatur,
 Delia & ipsa tuo semper in ore sonat.
 Nec non Eridanus, & opaca Mincius umbra,
 Eridanusq; tibi, Stellaq; nostra placet.
 Quæ num frondosis longe pulcherrima ripis
 Læta Padi ad ueteres ludit amans salices.
 Immemor ah quid Stella senis, quid ludis ad amne?
 Præda futura tuis credula fluminibus.
 Credis Naidibus, credis te Stella Napæis?
 Ista tibi inuideant lumina Naiades.
 Inuideant pictæ (fallax heu turba) Napææ
 Inter formosas heu mei nulla fides.
 Nulla fides fluminis rapuere & flumina nuptas.
 Tutæ nec est ullis, heu mihi, forma locis.
 Est tibi Pasyale, simul Eridanea cauenda.
 Inuidia heu nullis parcat amicitijs.
 Tutæ manes formosa domi, sed parce fenestris.
 Ad crinem causas ipsa fenestra facit.
 Parce & porticibus, templis quoq; parce dicatis.
 Rara fides templis, raraq; porticibus.
 Quid timeam ignoro. timeo tamen, & decor ipse
 Rarus ab insidijs tutior esse nequit.
 Me cycni terrent plumæ, meq; aureus imber,
 Sub terris aditus & sibi fecit amor.
 Tu uero secunda domi solabere fuso,
 Et curas animi candida mente leua.
 Non prodit thalamus Aurora absente marito,
 Inter & ancillas pensa, columiq; trahit,

ERIDANORVM

Expectatq; senem redeuntem ad numera lecti,
 Exemplum certi cauta puella tori.
 Hæc Borgi dum nostra legis, dum carmen amorum
 Fac ullam teneas esse in amore fidem.
 Quicquid amas, frueri, inq; diē, neu differ in annos
 Ni matura legis, post modo poma cadunt.

POMONAM ALLOQVITVR.

d. Ic age, dic Pomona (tuis sic semper in hortis
 Præniteant ramis pendula poma suis,) POM
 Dic age, dic, cultis errat dum Stella rosetis,
 Dum carpit violas, dum legit ipsa rosas.
 Qualis per flores, & per uernantia culta
 Visa tibi, quales ore referre deas?
 Talis per flores, qualis per sydera fulget
 Lucifer, eois dum micat ortus aquis.
 Lilia nudatæ uincunt candore papillæ,
 Puniceasq; genis purpura fusa rosas.
 Qualis Acidaliæ Cytherea uagatur in hortis,
 Textile dum capiti neſtit A doni tuo.
 Marmoreum digiti referunt candore nitorem,
 Quæq; mouet gressus, florida ridet humus.
 Pestanumq; per ora fragrat decus, inter odores,
 Fundit & ipsa suos, Ambrosiasq; suas,
 Et quoties teneræ saliunt de ueste papillæ,
 Spirat odorato mollior aura sinu.
 Illius ex oculis Zephyri mulcentur, & aer
 Fundit ab afflatu gaudia læta suo.
 Talis erat, cultis errat dum Stella rosetis,
 Stella tuis uates nobilitata iocis.